

*T H E S E S*  
*M E D I C Æ*  
*PARISIENSES.*



THE  
MEDICAL  
PRACTICES

*T H E S E S*

PHYSIOLOGICÆ,

HYGIASTICÆ,

PATHOLOGICÆ,

*E T*

CHIRURGICÆ,

*IN SCHOLIS*

MEDICORUM PARISIENSIIUM

PROPUGNATÆ.

AB ANNO

AD ANNUM



P A R I S I I S.

---

M. DCC. LXXII.

T H E A S

THE  
THE  
THE

CHIRURGICAL

THE  
THE

THE  
THE



PARIS  
M DCC LXXI



DEO OPTIMO MAX.  
UNI ET TRINO,

VIRGINI DEI-PARÆ, ET S. LUCÆ  
Orthodoxorum Medicorum Patrono.

## QUÆSTIO MEDICA,

QUOD LIBETARIIS DISPUTATIONIBUS  
*manè discutienda in Scholis Medicorum, die Jovis, decimo-quarto mensis  
Novembris, anno Domini M. DCC. LIV.*

M. AMABILI CHOMEL, Doctore Medico;  
Præside.

*An à peculiari Uteri structurâ Fluxus Muliebris?*

I.



**P**HYSIOLOGI ferè omnes, à peculiari visceris cujusque fabricâ, singularumque ejus partium mechanicâ dispositione, actionem repetendam esse non immeritò judicârunt. Si singulæ corporis partes perpendantur, pro vario quo funguntur munere, vario textu & compage donari, autopsiâ apparebit; unde cerebrum folis ferè vasis constans spirituum animalium generationi dicatur. Pulmones omninò vesiculosi, ideòque excipiendo & expellendo aërem idonei, respirationi famulantur. Ventriculus diversis membranis sibi mutuè in-

A

cumbentibus constans, inchoat digestionem, perficiunt intestina, & vasa lactea chylum elaboratum deferunt. Cor duplici thalamo præditum *Diastole* sanguinem recipit, *Systole*, illum ex iisdem expellit. Varia denique organa, diversæ secretioni humorum dicavit rerum Opifex; si autem à cujuslibet partis fabricâ munus repetendum sit, quidni etiam à peculiari uteri structurâ mensum causa foret deducenda? Quælibet enim functio ut perficiatur, suis indiget instrumentis; porro *menstruatio*, ut potè functio sexui peculiaris, suis & etiam indiget instrumentis. At malè cautus haberetur, qui illa in utero non indagaret; siquidem ex eo, velut ex riguo fonte, scaturire & erumpere solent catamenia.

## I I.

**U**TERUS, *menstruationis* organum, vesicam inter & intestinum rectum; ab utroque liber, à fundo latiori in collum sat exiguum exprorectus, figuram æmulatur inversi pyri modicè depressi; huic circumponitur peritonæi processus qui membrana externa audit. Interna superficies obducitur membranâ nervosâ dictâ. Inter utramque sedet propria uteri substantia ex omni varietate fibrarum eleganti concinnata artificio, innumeris locupletatur vasis, variis inter se anastomosibus in plexus reticulares, ubique unitis, incurvatis, intortis, secus atque alibi in corpore fieri solet. In hæcpe sola partim contemplatione non hæreat quisquis catameniorum causam mechanicam ab utero derivandam voluerit; ast Microscopii ope membranam internam expendat, in ejus parte convexa omnia secretoria *menstruationis* detegit instrumenta, venas scilicet & glandulas, sive vascula, aut vesiculas, seu vasculo-vesiculas. In sue, colatoria deteguntur cylindrica vasculosa; in ove, vesiculæ solitariae modò, modò conglomeratæ; in muliere verò colatoria illa nec vasculosa duntaxat, nec vesiculosa, sed vasculo-vesiculosa. In puellis adhucdum teneris colatoria illa vasculo-vesiculosa, ut & mammarum vesiculæ humorem quemdam serosum segregant, qui osculis bibulis resorptus, toto miscetur fluidi oceano. Crescente ætate adeò augetur succi illius consistentia, ut jam viro maturis succus lacteus in illis secernatur vesiculis. Ubi conceperit mulier lactescit magis succus ille; dùm peperit, in uteri sicut & mammarum vesiculis verum lac reperitur. Harum vesicularum quas perspicacissimus rerum naturalium observator M. Astruc solemter detexit, in fabricâ, situ & usu genuina intricatæ *menstruationis* habetur causa.

## I I I.

**P**UBESCENTIBUS jam puellis, vesiculæ humorem secernunt lacteum, qui præ crassitudine resorberi impar, stagnat, hæcque vesiculas distendit nimium. Illæ venas circumrepentes ita comprimunt, ut collaterales seu conici ductus qui venarum truncis, miro non satis artificio appenduntur, jugi sanguinis affluxu turgescant magis ac magis, ac tandem cogantur dehiscere in cayum uteri; sicque stillans dimanat cruor, modò purus, modò succo lacteo mixtus. Cruorem quandoque præcedit succus lacteus dum nempe venarum in vesiculas reactione, dehiscunt primùm vesiculæ. Succo lacteo & sanguine quibus turgabant vesiculæ & appendices, semel abreptis, sponte suâ occluduntur, & sic cessat uteri fluxus altero mense rediturus. Dùm novâ succi lactei accessione iterum replentur vesiculæ, rursus comprimunt venas collaterales; illæ ab affluente solito copiosius sanguine, intu-

3

mescentes, in cónicos sese exonerant ductus. Illi mox à sanguine nimis turgidi, in uteri hiant cavum & sic iterùm suo molesto pondere sese expedit uterus,

## I V.

**N**OSTRA de catameniis sententia eò probabiliòr eòque genio naturæ magis consona videri debet, quòd ex eà tanquam ex præmissis conclusio, explicata stant omnia quæ circa *menstruationem* observantur phænomena. Attendatur enim ad hæc Theſeos principia. In tenellis puellis humore tantùm lymphatico reſorberi apto opplentur uteri, necnon mammarum vesiculæ; ac simulac virgo sana adeptæ est terminum incrementi, incipit conficere plus humoris boni quàm sustinendo corpori requiritur; quum augendo ergo non ampliùs impendat, lymphæ miscetur, hanc inspissat, atque reſorptioni inhabilem reddit, stagnat intra vesiculas mammarum & uteri; comprimuntur vasa collateralia, & hinc ſororiantur mammæ, dolor, calor, pondus sentiuntur in lumbis, ad pubem & inguina. Dùm floret ætas, eadem ferè, fluxu mensium, instante, accidunt symptomata; at ætate declinante vesiculæ flaccidæ evadunt, supra se invicem cadunt, succum lacteum ægre admittunt, comprimunt minùs vasa collateralia, collabuntur tunc mammæ & sic paulatim imminuitur catamepiorum fluxus. Senectâ tandem obrepente tunc vesicularum fibræ rigidæ magis & duræ evadunt, ita ut in suam cavitatem succo lacteo omnem omninò recuſent aditum: ampliùs non comprimuntur vasa collateralia, *menstruationis* destruitur mechanismus, & hinc patet cur circa septimum septenarium mulieribus cessent catamenia. In omnibus mulieribus vesicularum & venarum uteri non eadem est compago. Etenim in quibusdam solæ venæ rigidæ & densæ sunt, & vice versâ vesiculæ. Hæ cruore tantùm, illæ verò fluore albo madent.

## V.

**A**DVERSUS nostram sententiam insurgunt quàm plurimi, quorum alii à fermento, fluxus menstrui causam repetunt: ac ubinam fruitur hospitio, fermentum illud? An in sanguine, aut in utero? Si in sanguine, cur humoribus præterfluentibus non turbatur? Si fermento in utero sedem largiantur, unde ei tanta suppetit suppellex ut nunquam exhauriatur? Alii verò & quidem Recentiores ferè omnes pro catameniorum efficienti causâ plethoram universalem statuunt. Vim quidem quæ per uterum, viam sibi referunt menses, æstimat & desumit (a) D. Freind, respectu horisontis, à situ perpendiculari pudendi muliebris & arterialis fistulæ quæ à corde ad uterum sanguinem devehit, necnon etiam à vasorum anfractibus.

(a) Lib. de  
Emm. cap. 4.  
& 5.

Ingeniosum sanè est celeberrimi Doctoris Angli systema. Sed suis etiam scaturit difficultatibus; si enim à sanguinis mole repetenda esset hæc evacuatio, post venæ sectiones pluries repetitas statis temporibus non fluereut catamenia, contrarium tamen evincitur experientiâ: nec canalium innumerabiles gyri, quos effingit, ad hunc fluxum conferunt, siquidem in viris, aliisque animalibus, juxta eundem Auctorem, non menstruatis, hi reperiuntur vasorum inflexus: insuper articularum & venarum sanctâ rupturâ, supponit fluere catamenia; ergo post eruptionem mensium, ulceratæ fierent arteriæ & venæ, siquidem, vasorum rupturas subsequi ulcera nemo est qui ignoret. Nec quicquam conclusionibus nostris officit, quidquid de mulieribus narrant varii Auctores, in quibus per uterina



vasa non fluunt menses, sed quorum vices gerunt, vel mictus sanguineus; vel per pollicem, digitos, aut qualivē corporis partes, sanguinis evacuationes. Contra naturam fiunt illæ sanguinis evacuationes, ergo nostræ non adversantur sententiæ. Quotiescunque sanguis per uterum effluxurus, vel ex parte venarum, vel appendicum reperit obicem, regurgitat in totam sanguinis massam, & quâ datâ portâ ruit: quemadmodum observatur in nephritico dolore affectis, qui urinam evomunt. Non idcirco urinam secernendi, renibus denegatur officium, ergo nec utero menses movendi; licet quandoque fluant per vias non naturales. Absit tamen ut phethoræ insensus pro ciendis mensibus, eam omnino ablegare velim, symbolum quoque suum hæc, causæ occasionalis munere fungens, huic operi perficiendo impertitur: uterus verò causa efficiens statuendus. Quod confirmant, mensium eruptionis tempore, dolores, calores utero vicini, expostulat functionum analogia, acclamat *menstruationis* utilitas, scilicet scetus nutritio, & ad concepsumabilitas.

Si igitur rationi consentanea, genio naturæ consona, nullis objectionibus convelli possit nostra de catamenis sententia: fas nobis sit confidenter asserere,

*Ergò à peculiari Uteri structurâ Fluxus Muliebris.*

## DOMINI DOCTORES DISPUTATURI.

- |                                      |  |  |
|--------------------------------------|--|--|
| <i>M. Simon-Antonius Bringaüd,</i>   | <i>M. Edmundus-Thomas Moreau.</i>  | <i>M. Ludovicus Alexa. Vieillard.</i>  |
| <i>M. Jacobus-Franciscus Latier.</i> | <i>M. Joannes-Baptista Thurant.</i>  | <i>M. Ludovicus-Guillelmus Le Monnier, Consiliarius Medicus Regis ordinarius in Nosocomio Regio San-Germani in Laya, Regiarumque Parisiensis, Londinensis ac Berolinensis Academicarum Socius.</i> |
| <i>M. Claudius-Josephus Gontil.</i>  | <i>M. Carolus Gillot, Legationis Gallicæ ad S. Sedem Medicus ordinarius.</i> | <i>M. Josephus Exuperius Bertin, Supremi Valachia &amp; Moldavia Principis, dum viveret, Medicus ordinarius &amp; Regia Scientiarum Academia Socius.</i>   |

Proponerebat Parisiis GUIDO DANIE DESPATUREAUX, Bituricus, Doctor Medicus Remensis, necnon Saluberrimæ Facultatis Medicinæ Parisiensis Baccalaureus, Theseos Autor, 1754.